

هو الأبهی

نمرهٔ سابع

ارض خا

احبای الهی علیهم بهاء الله الأبھی

الله ابھی

ای حضرت احدیّت پرستان معشوق دلجویمز و محبوب خوشخویمز و مهربان دلسوزمز و جمال شبافروزمز صفت رحمانیّت ایله و تربیت ربویّت ایله بزى پرورده و انواع لطف و عنایت ایله و ریزش نیشان رحمت ایله دردانه آسا آغوش صدف ناز و نعمتده بزى پرورش ایلدی و مظهر احسان بی پایان بیوردی و بو جمع پریشانی و گروه بی سر و سامانی زیر جناح پرفلاح حضرت رحمانیّتده مستظلّ و کافّه اسماء و صفات و کمالات ایله اشراق و تجلّی ایلدی تا حقیقت انسانیّه مرکز سنوحات مقدّسهٔ رحمانیّه اولوب عالم بشریّتی تزین ایدن خصائل و فضائل معنویّه ایله بین البشر حشر اوله لم بز ايسه او الطاف بی پایان و عنایت غیرمتناهی بی انودوب دام هوا و هوسه گرفتار و مانند بوم بدکردار بو خرابه زار و دنیا مرداره مفتون اولدق بلکه مجنون اولدق فاعتبروا یا اولی الأبصار ع ع

مهربان رحمانم توفیق و قدر رفیق و رهبر اولمینجه جهد بشر و سعی مرغ بی بال و پر نه ثمر ایراث ایدر عاقبت خائب اولور خاسر اولور تائب اولور بز عاجز قاصرز ضعیفز نحیفز فقیرز حقیرز یتش فریادمزه عون و عنایتی بز رهبر ایله صون و حمایتی بز حصن حصین عالم اکبر ایله ع ع

یا ربّ بو جمع شمع آسا یانوب شعاعنی شش جهته منتشر و ظلمات دیجوری تجلّی نور ظهور ایله مضمحل ایله بو محفلی یا ربّ مرکز فضائل ایله و بو انجمنی یا رحمن مطلع احسان ایله ع ع